

憲示第七百九十六號

輔政使司師

曉諭事照得現奉

督憲札開將電傳

諭旨恭錄於下俾眾週知等因奉此合示曉諭為此特示

一千九百零六年

九月

二十一日示

欽命總督香港新界等處地方提督軍務兼水師提督軍門佩帶頭等寶星

福

欽奉

諭旨出示曉諭事照得一千九百零六年九月二十日准

理藩院大臣伊 電開欽奉

上諭覽閱電奏慘聞香港驟罹巨灾被殃華民甚眾朕心殊覺惻然實不忍

聞此事着理藩院大臣即轉行港督將朕恤憫被灾黎庶及闔港居民之

心布告週知以表朕惻隱之同情欽此欽遵相應電達

貴督部堂欽遵轉佈知照等因到本部堂准此仰見

朝廷子惠元元之至意凡厥庶民莫不同深感戴理合出示曉諭闔屬居民

人等一體知悉切切特示

一千九百零六年

九月

二十一日示

憲示第八百零七號

船政司羅

曉諭事照得現將軍營操演大炮地位日期開列於左

西歷本年九月二十八禮拜五由松林及卜卑路者兩處地方向西

而去計一萬碼之遙由上午九點半鐘起至正午十一點止

如天色不佳有碍操演者則將上列日期改遲一日操演各船艇務須勿

擲擁炮彈所經之路切切特示

一千九百零六年

九月

二十一日示

憲示第八百零九號

總緝捕官畢

曉諭事照得現奉

督憲札開招人投接縫辦提牢廳吏役冬天所需衣物所有投票均在輔

政司署收截限期收至西歷一千九百零六年十月初六日即禮拜六日正午止如欲

觀看樣衣式樣並知詳細者前赴本寫字樓請示可也凡投票之人必要

有貯庫作按銀五十圓之收單呈驗方准落票倘該票批准其人不可承

辦則將其貯庫作按銀入官凡欲領票格式者可詣輔政司署求取投

遞之票應用格式紙填寫否則概不收錄各票價列低昂任由

國不棄取或總棄不取亦可等因奉此合亟出示曉諭為此特示

一千九百零六年

九月

二十一日示